

Xcarta San Pablo huantu tzoknikolh Gálatas

XATAPAJMUJUN TACHIUIIN:

Yuma carta huantu San Pablo tzoknikolh huanti xlipahuanqoy Cristo c-xatiyat Galacia xtachuná huamputún yama mactum litum xcarta huantu xlá titzoknikolh yama xtacanjalanín huanti xuilakó c-xacachiquín Roma sampi lacatancs lichihuinama pi laquimpi nakalhiy laktáxtut quilistacnacán xlasasquinca nalipahuanahu Cristo, chu ni caj xpalacata pala tú ya tlan tatlahuayahu. Huampi pulactutu huí huantu fuerza tzinú litalakpálit. Xlipulactum huantu lacatancs huan pi ni matlaniy xpalacata huanti lipahuanqoy Cristo nakaxmatkoy atanuj evangelio, usu tachiuiín huantu huancán pi na namaxquikoy xlaktaxtut xlistacnacán, huampi huantu lakmakán, usu lactlahuaputún yama laktáxtut huantu mastay Jesucristo. Xlipulactuy, San Pablo tlihuaklh tayay, tancs maluloka pi xlicana xlá kalhiy yama limapaksín, sampi Dios man lacsacnit laquimpi nalitaxtuy xapóstol Jesucristo, chuná chihuínán c-xlacatincan yama huanti caj aksaninankoy, chu litaxtuputunkoy xtachuná lantla lacuan apóstoles huampi ni luhua huá. Chu xlipulactutu, usu xliahuatá, xlá lichihuínán pi quin ni lay pala tú natlahuayahu huantu tlan nalilakmaxtuyahu quilistacnacán c-xlacatín Dios, sampi huata huá likalhiyahu laktáxtut caj xpalacata pi lipahuanahu Cristo, chu canajlayahu pi acxni xlá nilh c-cruz, antá xokónalh quimpalacatacán laquimpi chú quin nialh tú lacleniyahu Dios. Cristo na quincalakmaxtún laquimpi nialh chunatiyá xaliankalhín naquincalilayán yama xamakan xlimapaksín Moisés xtachuná lantla xtachín, xtachuná lantla xliakoy judíos. San Pablo litakalhchihuínankoy yama chixcuhuín huanti lipahuanqoy Cristo pi huantu akstitum calilatamakolh yama laktáxtut huantu maxquikocanít, chu mininikoy acxtum calapáxquilh chatunu chatunu, chu caláiscujli.

Pablo xakatli lacankoy

1 Quit Pablo apóstol, ni huá xpalacata pala chixcuhuín chuná quililacsackonít, chu quilimaxtukonít apóstol, huampi huá quilacsacnit Quimpuchinacan Jesucristo, xahua Quintlatican Dios huanti malakastakuaninít calinín. ²Luhua

cana lipaxuhu ccatzoknimán yuma quincarta huixín huanti lipahuanátit Quimpuchinacan Jesucristo, chu lapátit c-xatiyat Galacia, chu na caxakatli lacamachán xlipacs natalanín ti lacxtum quintalamakó yunú. ³Quintlatican Dios, xahua Quimpuchinacan Jesucristo cacasiculanatlahuán, chu cacamaxquín

tlān latámat! ⁴Jesucristo macamástalh xlatámat, nīlh caj quimpalacatacán laquimpī chuná tlān naxokónán xpālacata quintalakalhincán nīma minīniy naxokónanahu, chu naquincalakmāxtuyán lantla xliłhuhua huantu nītlān anán catuxáhuat, sampi huá chuná laclhcahuilīnīt Quintlātica Dios. ⁵iMinīniy pī caxanīlīhuayaj xtihua catamāxquīlh cācni Dios! Chuná calalh, amén.

**Pablo lipuhán pī xlacán
lacapala lakmakamputunkoy
xtachihuín Cristo laquimpī
tanu tu nalipahuankey**

⁶Quit luhua caj lanaj cliłacahuanīt lantla huixín luhua lacapala makamputunātīt yama xtachihuín Cristo huantu māstay laktáxtut, huantu caj xpālacata xtalakalhaman Dios ticamalacnūnīn laquimpī nalipahuanātīt, huampi huata lipahuampunātīt yama tanuj tachiuhūn huantu cāhuanicanātīt pī nacalakmāxtuyán. ⁷Masqui xličana tancs cāhuanīyán pī nītū tanuj xasasti tachiuhūn huantu nacalakmāxtuniyán mīlistacnacán, caj xman pī lamakō makapitzīn aksanīnanīn chixcuuhūn huanti atuyá camapuhuanīyán, sampi cāhuanīyán pī nī chuná lapátīt, usu nī chuná canajlayātīt xtachuná lantla lacasquín Dios. Huampi xlacán caj calītakalhchihuīnamputunān atanuj tachiuhūn huantu huankoy pī huá māstay laktáxtut, chu nī lakatīkoy yama xlaktaxtut mīlistacnacán huantu camaxquīyán Cristo. ⁸Huampi huā palapī tī xcalīakchihuīnanīn tanuj tachiuhūn huantu nacalakmāxtuniyán mīlistacnacán, nī huantu xtachuná lantla yama lipaxuhu xtachihuín Cristo huantu quit aya ccalītakalhchihuīnanītán, tancs cuan pī maktum capátīlh xliakastacyāhuan Dios, nī quincuenta pala quit, usu

pala chatum ángel xala c-akapūn tī chuná xtláhuah. ⁹Masqui xalipulana quit aya tancs cāhuanīnītán, chū cāhuanipalayán pī lapī huī tī calīakchihuīnanīyán tanuj tachiuhūn huantu nacalakmāxtuyán nī huantu quit ccalītakalhchihuīnanītán, maktum pī capátīlh xliakastacyāhuan Dios.

¹⁰Masqui nī xlakatītīt xman huá huantu xtalulóktat naccāhuanīyán; sampi quit nī huá cputzama lantla talīpahu naquilīmāxtukoy chixcuuhūn, cāhuanīyán pī huata huá quit ctzaksama pī huā Dios nacmakapaxuhuy. Sampi lapī quit caj xman huá xacpútzalh lantla nacmakapaxuhukoy chixcuuhūn, nīalh xatalīpahu cscujni Cristo xactihua.

**Pablo lichihuīnán lantla
apóstol lītáxtulh**

¹¹Natalanīn, quit clacasquín nacatzīyātīt pī yuma xasasti tamacatzīnīn huantu māstay laktáxtut huantu quit cliakchihuīnama, nī huá xtalacapastacni chixcuuhūn.

¹²Sampi quit nī caj chatum chixcū quimasiyunīnīt, usu quīlītakalhchihuīnanīt, huampi huatiya Jesucristo man quīmacatzīnīkonīt xtalacapastacni.

¹³Huixín māx aya makkaxpatnītāntīt lantla lichihuīnancán lantla quit xaclicatzīy yatiyanā acxni xacstalanīy xtacānajlacan judíos, chū xacmakmakantaxtiy xlipacs huantu tlahuakoy judíos; quit xličana pī lipēcua xacsītzīnikoy, chū xacputzastalakoy xlipacs huanti lipahuankey Jesús laquimpī nacmalaksputukoy. ¹⁴Acxni quit na xacmakantaxtiy yama xliṃapaksīn Moisés huantu stalanīkoy judíos, lantla xlipacs huanti lacxtum xactastackonīt, quit pacs xactlajakoy lantla ahuan huá xacliakaán xtacānajlacán, tlak xacputzay lantla luhua lihuana

nacmakantaxtiy pacs lactzu lactzu
 limapaksín huantu lipahuanoy,
 chu makaxtaktaquikonit xamakan
 xnatlatnacán. ¹⁵Huampi hasta acxni
 quit ni xacalacachín catuxáhuat, Dios
 quilácsacli, chu lálhcalh pi cscujni
 naclitaxtuy. Chanchu alistalh acxni
 lálhcalh quilhtamacú, caj lantla tlanca
 xtalakalhamán xlá quintasánilh,
¹⁶acxni quilimalacahuánilh xCam
 Jesús c-xatiji Damasco laquimpi
 quit alistalh nacliakchihuínán
 yama lipaxuhu xtachihuín huantu
 mastay laktáxtut c-xlakstipancán
 huanti ni judíos. Huampi acxni chuná
 quiaqspúlah niti xaclakama pala tí
 naquilitakalhchihuínán huantu nacuán.
¹⁷Na ni pala calh c-Jerusalén laquimpi
 nactachihuínankoy huanti aya xapulana
 apóstoles xuankonit, huata quit
 tuncán calh c-xatiyat Arabia, chu acxni
 cquitáspitli antá cchimpá c-Damasco.

¹⁸Hasta xliaktutu cata acu calh
 c-Jerusalén laquimpi naclakapasa
 apóstol Pedro, chu akcuquitizis
 quilhtamacú antá lacxtum
 xactalamachá. ¹⁹Huampi acxni
 antá xaclamachá, ni cucxilholh
 amakapitzin apóstoles, caj xman
 huá cúcxilhí Santiago huanti xtala
 Quimpuchinacan Jesús. ²⁰Quit tlan
 ccamalulokniyán c-xlacatín Dios pi
 yumá huantu quit ccatzoknanimán hua
 xtalulóktat.

²¹Alistalh acxni ctácxilh c-Jerusalén,
 calh latapuliy c-xatiyat Siria, chu
 Cilicia. ²²Huá xpalacata, yama
 quilhtamacú c-xatiyat Judea ni naj
 tí xquilakapaskoy natalanín huantu
 xlipahuanoy Jesús huanti xuilakó
 c-lactzu cachiqún tu mapaksikoy
 yama tiyat. ²³Caj xman xkaxmatkoy
 lantla xquilichihuínancán:
 “Yama chixcú huanti xalipulana
 xquincaputzastalayán laquimpi
 naquincatamacanuyán c-pulachin,
 huá chú na aya liakchihuínama

yuma lipaxuhu tachihuín lantla
 nalipahuanahu Jesús huantu xlá xapulh
 quilhtamacú xmalaksputuputún.” ²⁴Chu
 pacs xlimaxquikoy paxcatcatzínit Dios
 caj xpalacata huantu xlá tlahuani
 c-quilatámat.

Amakapitzin apóstoles tlan tlahuakoy Pablo pi xlicana pi apóstol xlimaxtucanit

2 Hasta xliakcutati cata acu
 ctiampá c-Jerusalén, huampi
 lacxtum ctáankolh Bernabé, xahua
 Tito. ²Quit fuerza cquílalh sampi hua
 Dios xquimacatzininit pi xlcasquín
 pi quit nacán; chu acxni chú aya
 antiyá xacuilachahu c-Jerusalén, tanu
 ctatamacxtumikohu yama apóstoles,
 chu huanti lacxtum xlapaskocán
 pi huá xpuxcunanikonit huanti
 xlipahuanoy Jesús antá, chu ctzúculh
 litakalhchihuínankoy lantla quit
 cliakchihuínankoy huanti ni judíos
 yama laktáxtut huantu mastay Cristo.
 Huá chuná clitláhualh sampi quit ni
 clacasquín caj chunatá nalaclatamay
 yama quintascújut huantu hasta chiú
 xactiliscujma. ³Xlacán matlanikolh
 huantu cmasiyuy, chu masqui xcatzikoy
 pi ni judío yama quiamigo Tito huanti
 quit xactaanit, niti huánilh pala
 xafuerza circuncidar natlahuacán,
 usu huamputún nachucunicán actzu
 xtiyatlihua laquimpi xlicana tlan judío
 nahuán, chu chuná tlan natatapaksikoy.
⁴Cpuhuán pi niti xtilihuánilh
 circuncidar calakolh lapí ni antá cahuá
 xtatalakxtumikonit yama natalanín,
 makapitzin aksaninanín huanti
 litanukoy pi na lipahuanoy Cristo,
 tzeq xquincamaktanunitán laquimpi
 naquincaliucxilhuilikoyán lapí xlicana
 quin pacs cmakantaxtiyahu huantu
 limapaksinán xlimapaksin Moisés,
 sampi xlacán lacasquinkoy pi pacs quin
 huanti lipahuanahu Jesús xafuerza
 pacs nacmakantaxtiyahu tu huan, chu

chuná xtachin xlimapaksin Moisés
nactixatupalayahu. ⁵Huampi ni pala
tzinú xactamaſtanikohu nactlahuayahu
huantu xlacán xlasasquin koy, ſampi
quin clacasquinahu pi yama laktáxtut
huantu maſtay xtachihuín Jeſús
xaliſankalhín nakalhiyátit xtachuná
lantla quincamaſlacnún.

⁶Huampi hua yama apóſtoles
huanti antá xpuxcunanikoy huanti
lipahuankoy Criſto, ni quihuaniſkolh
pala niſlán huantu quit cmaſiyunikoy
huanti ni judíos pi ni xlasasquinca
circuncidar natlahuakoy acxni
nalipahuankoy Jeſús. (Maſqui
xliſana pi ni huá xacputzama pala
xlacán, usu amaſapitzin huanti tlak
maſquicán cæcni naquimaſtaninikoy
quintaſcújut, ſampi Dios ni caj
maſiyunikoy xtalacapaſtacni huanti
tlanca napuxcún ſampi xlá niſí tlanca
liſtaxtuy c-xlacatin.) ⁷Xlacán niſí
liakluhuatnankolh, huata tuncán
akataſkolh pi xliſana hua Dios
quiliſlacacniſt laquimpi nacxakatliſkoy
yama huanti ni judíos lantla tlan
nalakmaſtukoy xliſtacnacán, xtachuná
lantla Pedro liſlacacniſt nalixakatliſkoy
huanti judíos. ⁸Sampi chaſumá yama
Dios huanti Pedro maſakáſal
limáxtulh apóſtol laquimpi naán
maſatziſkoy xtachihuín huanti judíos,
na huatiyá yama Dios huanti quit
quimaſakáſal, chu quiliſmaſtulh
apóſtol laquimpi nacán maſatziſkoy
xtachihuín huanti ni judíos. ⁹Yamá
huanti luhua tlak lactalipahu
xliſmaſtukocán, huanti xpuxcunanikoy
cañajlanín, Pedro, Santiago, chu
Juan, niſí atuyá puhanſkolh, huata
cañajlakolh pi xliſana huá Dios
xquimaſquinſt yuma taſcújut. Chu
lantla maſtanikolh pi quin chunatiyá
nacſujahu lantla cſujmaſu,
lipaxuhu quincapaſakhipakón
quit xahuá Bernabé, huachá
tu quintaſimaſiyunikón

xtamaſtalajlencán pi quit, chu hua
Bernabé nacampalayahu liſcujkoyahu
yama chixcuſhuín huanti ni judíos,
chu xlacán antiyá nalicujkoy
xliſpac huanti judíos. ¹⁰Caj xman
huá quintaſhuanikón pi ankalhín
caclacapaſtaſkohu, cacaklihuankohu
yama limaxkanín huanti huilakó
c-Jeruſalén, chu napuſquitilayahu
tumin huantu tlan nactimaſtayakoyahu,
maſqui xliſana pi huantu xlacán
quihuaniſkolh quit ankalhina chuná
ctlahuama.

Pablo lacaquilhniy Pedro c-Antioquía

¹¹Huampi acxni yama quilhtamacú
Pedro quílalh c-xacachiquín Antioquía,
c-xlacatinſcan liſluhua lacatzaj
clilacaquilhniſh caj xpalacata huantu
niſlán xtlahuama, ¹²ſampi xapulana
huá lacxtum xtahuayankoy nataſlanín
huanti ni judíos hasta acxni chinkolh
c-Antioquía maſapitzin nataſlanín
judíos huanti xpuxculemakó Santiago;
acxni tuncán tzúculh tapapitziy,
chu niſh lacxtum xtahuayankoy
nataſlanín huanti ni judíos, ſampi
xmaſpuhanikoy yama nataſlanín
judíos pala lantla napuhanſkoy
naliakluhuatnankoy cumu xlacán
hasta ni catitahuayankolh huanti
ni luhua judíos maſqui na aya
lipahuankoy Jeſús. ¹³Na xliſpac
amaſapitzin judíos xala c-Antioquía
huanti xliſahuankoy Criſto, na chuná
tzúculh tapapitzinikoy, niſh lacxtum
xtahuayankoy, xtachuná lantla Pedro,
chu hasta Bernabé na aya chuná
timaſacatiſjinikolh c-xtalakaputiſyuncán.
¹⁴Puſ acxni quit cúxilhlí pi chuná
xlamakó xtachuná lantla xlacán
xcatzikoy pi ni lacacquin Criſto, ni
cmaſtanilh, chu c-xlacatinſcan xliſpac
liſluhua chuná cuánilh Pedro: “Huix
judío huampi niſh chuná lápat
xtachuná lantla xliſlatamaſcán, huata
lápat xtachuná lantla ti ni judío,

čtúhuan chinchu fuerzaj lītlahuanikoya yama huantī nī judíos pī chuná calatamakōlh xtachuná lantla chatum judío?”

**Xlipacs tachixcuhiŕtat masqui
nī judíos pala lipahuanŕoy
Cristo nalaktaxtukoy**

¹⁵ Xlicana pī huix Pedro chu quit, judíos hasta lantla tilacachihu, chu huá xpalacata nī quincalimapacuhicán maklakalhinanin xtachuná lantla judíos limapacuhikoy xlipacs huantī nī judíos sampi xlacán nī makantaxtikōnit xlimapaksin Moisés. ¹⁶ Huampi masqui chuná, stalanca catziyahu pī nī pala chatum huantī Dios catilimáxtulh xtachuná la nialh tú laclén c-xlacatīn caj xpalacata pī lihuana namakantaxtiy huantu limapaksinán xlimapaksin Moisés, huata xman huá huantī nalipahuán Jesús chuná nalimáxtucán. Huá xpalacata quin, acxtum judíos, chu huantī nī judíos, lipahuanitahu Quimpuchinacan Jesucristo laquimpi caj xpalacata yama quintacanjlacán huantu kalhīniyahu naquincalimáxtuyán xtachuná la nialh tú laclénliyahu Dios; huampi nī pala chatum catilixapánilh xtalakalhīn c-xlacatīn Dios caj cumu lihuana namakantaxtiy huantu huan c-xlimapaksin Moisés.

¹⁷ Pus lapī acxni quin huantī judíos nialh lipahuanahu xlimapaksin Moisés pī antá nataksahu lantla nialh tú nalaclenahu c-xlacatīn Dios, chu huata huá chú lipahuanahu Cristo laquimpi huá naquincalacxapaniyan xlipacs tu laclénahu, quitaxtuy pī quin xtachuná litaxtuyahu lactlanca maklakalhinanin la catihuá tī nī judío, čpá yumá huamputún pī huá xcuenta Cristo pī chuná litaxtunitahu? iXlicana pī nī chuná! ¹⁸ Huampi caj yumá calacapastátit, lapī huix man malacatzuquipalaya huantu

xlakmakanita, entonces huata huix xlicana miacstu putzápat lantla maklakalhīnā nalimáxtucana. ¹⁹ Sampi xapulana quit fuerza cacmakantáxtilh xlimapaksin Moisés xacpuhuán, huampi chalh quilhtamacú acxni antiyá yama c-limapaksin cquiakátakslī pī nī lay lihuana cmakantaxtiy, chu man yamá limapaksin quimakstuntláhuah, chu xtachuná lampala caquimáknilh. Huampi tlan quinquitaxtúnilh pī cnīnilh yama limapaksin laquimpi maktum nactzucuy līlatamay xtachuná lantla lacasquin Dios. Quit lacxtum quintapakxtokohuacacanit Cristo c-cruz, ²⁰ chu huá chú masqui clama, nialh clilama xtachuná lantla tī caj acstumapaksicán, huata huá quilatámat tapaksiniy Cristo huantī lama c-quinacú; chu yama akstitum quilatámat huantu clilama, chuná tlan akstitum clilama caj xpalacata sampi clipahuán xCam Dios, chu ccatziy pī snun quilakalhamanit hasta limacamástalh xlatámat caj quimpalacata. ²¹ Quit nī cactilakmákalh yuma xlaktaxtut quilistacná huantu caj lītlan quimalacnuniy Dios, sampi pala tī puhuán pī tlan nalitaxtuy xtachuná la nialh tú laclén c-xlacatīn Dios, caj xpalacata cumu huá lihuana namakantaxtiy huantu huan xlitláhuat pala xatú limapaksin, sampi lapī chuná, entonces quitaxtuy pī nitú xlakasi masqui quincaquipalacanicán Cristo.

**Dios quincamaakaputaxtiyan
caj xpalacata cumu
lipahuanahu xtamalacnūn**

3 Koxutanin huixin lactuntusnu natalanin xala c-Galacia, čtī camakalnihuān laquimpi nialh akstitum nalipahuanātīt Jesús? Sampi lantla maklhuhua quit cčatakalhchihuān, lacatanes ccamasiyunin lantla Cristo pakaxtokohuacacā c-cruz caj

quimpalacatacán, xtachuná pala luhua man milakastapucán tiliucxílhiti. ²Huampi clacasquín naquinkalhtiyátit yuma takalhasquinín huantu naccatlahuaníyán: ¿Pá Dios camacaminín, chu camaxquín Espíritu Santo caj xpalacata cumu makantaxtítit huantu limapaksínán xlimapaksin Moisés, usu huá xpalacata lantla lipahuántit Quimpuchinacan Jesús huanti calitachiuhinancántit? ³iXlicana luhua cana lactuntusnu! Dios calakalhamán, chu camaxquín Espíritu Santo laquimpi hua xtamaktay natzucuyátit lilitapayátit lacsasti milatamatcán, huampi huata chú huampalayátit pi huá milimakantaxtítcán huantu caj xlimapaksincan judíos, pus quitaxtuy pi lakapuxtu pimpátit. ⁴Xlipacs huantu huixín aya xlapapasnitántit xacpuhuán pi nacamaktayayán, ihuampi lampala lihuacá nitú xtápalh caquilixtaxtunín! ⁵Acxni Dios camaxquín Espíritu Santo, chu tlahuakolh lactlanca licacni tascújut c-milakstipancán, ítúhuan cahué chuná litlálhualh? ¿Pá huá xpalacata huixín huá xtzaksapátit lihuana xtzaksapátit xmakantaxtiyátit xlimapaksin Moisés? Xlicana pi ni huá litlálhualh, huampi huata caj xpalacata lantla lipahuántit xtachihuín Jesús huantu aya kaxpatnitántit.

⁶Chuná lantla xamakan quilhtamacú Abraham nitú atipatu tlálhualh huata caj xpalacata cumu canajlánih xlipacs huantu Dios caj xtalakalhamán malacnúnih natlahuay c-xlatámat, huá limatzankanánih xlipacs xtalakalhín, chu limáxtulh la xalaktaxtun chixcú huanti nialh tú laclén c-xlacatín. ⁷Hua xpalacata ccalihuaniyán, lapí huixín kantiputunátit yamá xamakan kolutzín Abraham, chu nalitaxtuputunátit xtachuná lantla xaxlicana xquilhtzúcut huanti nakantiyátit xtcanaajla, entonces camininiyán nalipahanátit

huantu Dios caj xtalakalhamán malacnúnit xtachuná lantla Abraham lipahua. ⁸Sampi hasta lantla xamakan quilhtamacú Dios xucxilhlacachima lantla calanchu quilhtamacú nalakalhamankoy masqui huanti ni judíos, chu chuná tatzoktahuilanit c-Likalhtahuaka pi Dios na caj xtalakalhaman nalakmáxtukoy xlipacs huanti nalipahuankoy huantu namalacnúy laktáxtut, xtachuná lantla lakalhámalh Abraham caj xpalacata xtcanaajla, sampi chuná timalacnúnih: “Xtachuná lantla clakalhamanítan caj xpalacata cumu quilipahuana, na chuná naclakalhamankoy xlipacs huanti huilakoj nahuán masqui canihua tíyat.” ⁹Chuná pi xlipacs ti lanchiyuj quilhtamacú lipahuankoy huantu malacnúy, xlicana pi Dios na nalakalhamán xtachuná lantla tilakalhámalh Abraham caj xpalacata cumu tilipahua.

¹⁰Xlipacs huanti caj xman huá lipahuankoy pi caj xpalacata lantla namakantaxtikoy huantu huan c-xlimapaksin Moisés tlan nalikmáxtuy xlistacna c-xlacatín Dios, c-Likalhtahuaka chuná lihuancán xpalacata: “Capátih huantu naakspulay yamá huanti ni lihuana namakantaxtiy xlipacs huantu limapaksinán xlimapaksin Moisés.” ¹¹Pus luhua lacatancs taluloka pi ni pala chatum catilakmáxtulh xlistacna caj cumu natzaksay namakantaxtiy xlimapaksin Moisés, sampi c-Likalhtahuaka chuná huan: “Yamá huanti xalaktaxtún litaxtunit c-xlacatín Dios huá chuná lilamaj nahuán caj xpalacata pi nalipahuán pi Dios caj xtalakalhamán chuná limáxtunit.” ¹²Huampi lapí caj lihuana nalakachixcuhiiputuna xlimapaksin Moisés laquimpi chuná tlan nalakmáxtuya milistacna c-xlacatín Dios, luhua tuhua naquitaxtuniyán, sampi c-Likalhtahuaka

chuná huan: “Xman huá yamá huanti akstítum namakantaxtikoy xlipacs lactzu lactzú huantu limapaksínán limapaksín huanti nalakmaxtuy xlistacna c-xlacatín Dios.”

¹³ Huampi na milicatzitcán pi tama xlimapaksín Moisés nialh xласquinca napecuaniyahu acxni lihuán pi naxokónán huanti ni lay akstítum makantaxtiy, sampi Cristo quincalakmaxtún lantla naxokónanahu, sampi acxni xlá nilh c-xokspun cruz quimpalacaxokónal pacs huantu quilixokonatcán xuanit, sampi c-Likalhtahuaqá chuná huan: “Xlipacs yamá huanti pakaxtokohuacacán c-kantum quihui laquimpi naniy, huá chuná limapatinimaca laquimpi naxokónán xlipacs huantu tlahuanit lixcainit xtalakalhín.” ¹⁴ Xlicana pi Dios tlan tláhuah pi huá Cristo naxokónaniy quimpalacatacán, laquimpi chuná lantla quin judíos, na chuná lantla huanti ti ni judíos, tlan acxtum naquincalakalhamanán Dios xtachuná lantla timalacnünichá Abraham nalakalhamankoy judíos, chu na chuná laquimpi xlipacs quin acxni lipahuanahu Jesús, na tlan makamaklhtinánátit Espíritu Santo.

Xlimapaksín Moisés ni lay xlactlahuay huantu xapulana xmalacnünittá Dios

¹⁵ Natalanín, acxni chatum chixcú pala tú litlaccaxlay tanuj chixcú, usu pala tú malacnuniy, litayaniy namaxquiy, chu nafirmartlahuaníy mactum cápsnat, xlicana pi ni pala chatum tí catilactláhuah, usu ni pala chatum tí catimálhuáquilh. Pala quin chixcuhuín makantaxtiyahu huantu litayayahu, chu firmartlahuayahu, xalihuaqá Dios namakantaxtiy huantu malacnuy. ¹⁶ Pus Dios huí tu timalacnünilh Abraham xamakan quilhtamacú acxni tihuánilh pi

nasiculanatlahuakoy xquilhtzúcut huanti nalacachinkoy alistalh. Huampi Dios ni huánilh “xlipacs minquilhtzúcut” xtachuná lantla calichihuínankocá luhua xliputumcán, huampi caj xman huá chatum, chu yama chatum huá Cristo. ¹⁷ Quit clacasquín pi huixín xakatáktit pi Dios makán tatláhuah Abraham aktum talaccaxlán, chu malúlokli, chu masqui xliaktatita ciento apuxamacáhu cata alistalh milh xlimapaksín Moisés, huantu huan yama limapaksín ni lay lactlahuay huantu xamakan xmalacnünit Dios. ¹⁸ Sampi caj capuhuántit: pala yamá huantu Dios malacnünit pi naquincalakmaxtuyán caj cumu nacanjlayahu xtamalacnün, chu chatum chixcú xlakmáxtulh xlistacna caj cumu xmakantáxtilh xlimapaksín Dios, xlicana pi Dios xaaksaniná xquitáxtulh; huampi huantu malacnünit caj litlán naquincalakmaxtuniyán xtachuná lantla timalacnünilh Abraham.

¿Tú xpalacata limacaminca xlimapaksín Moisés?

¹⁹ Pus ¿tú chinchu xpalacata likalhiyahu xlimapaksín Moisés? Xlicana pi Dios huá limacámilh xlimapaksín laquimpi chuná namaakataksnikoy tachixcuhuítat lantla xlipacs tlahuakoy talakalhín, chu pi fuerza napatinankoy, chu huá xpalacata xласquinca nalikalhkalhitahuilakoy yama xquilhtzucut Abraham huanti alistalh namín lakmaxtukoy xtachuná lantla xmalacnünicanit. Yuma xlimapaksín Dios maxquikolh ángeles laquimpi xlacán namacamaxquikoy Moisés, chu cumu Moisés xkalhachihuina Dios xlitaxtuy c-xlacatíncán, huá maxquikolh tachixcuhuítat. ²⁰ Huampi acxni Dios malacnünilh Abraham tu natlahuay c-xlatámat, ni lacásquilh pala ti namacán xkalhachihuiná laquimpi

chuná namacatzinínán, huampi huá Dios man tachihuínalh.

Xlimapaksin Moisés quincalenán c-xlacatín Cristo

²¹Xamaktum pala tí napuhuán:

“¿Entonces xlimapaksin Moisés caj talalacataquima huantu timalacnúnilh Dios Abraham?” ¡Luhua ni ccanajlay! Sampi lapi hua yama xlimapaksin tlan xli lakmaxtunikolh xlistacnacán huanti xmakantaxtikolh, entonces pacs tlan xkalhihu xlaktáxtut quilistacnacán lapi huá xmakantaxtihu huantu huan tama limapaksín.

²²Huampi niti lay makantaxtiy sampi antiyá c-tachihuín Dios huantu tatzoktahuilanit c-Likalhtahuaká huan pi xlipacs tachixcuhiútat xtachuná tachín huilikonit talakalhín, chu huá xpalacata xman huanti nalipahuankey Cristo tlan namaklhtinankoy yama laktáxtut huantu hasta xamakan quilhtamacú xmalacnunit Dios namastay.

²³Acxni xalipulana acxni ni xamín Cristo, yama xlimapaksin Dios xlitaxtuy xtachuná lantla chatum quimaktakalhnacán huanti nakalhakaxmatahu xlimakua kalhkalhitahuilayahu yamá huanti naquincalakmaxtuyán laquimpi huá chú nalipahuanahu. ²⁴Chuná pi yama xamakan limapaksín, xtachuná xuanit la chatum kokana puscat huanti maktakalhkey lactzu camán laquimpi naquincamaktakalhlenán hasta antá c-xlacatín Cristo huanti acxni nalipahuanahu, xlicana taxapanit nahuán quintalakalhincán chu nalitaxtuyahu xtachuná la ti nialh tú lalenahu. ²⁵Huampi cumu chú aya minit Cristo huanti lipahuanahu, nialh xlasquinca pi yama limapaksín ankalhín naquincalikalhiyán la xtachín, chu naquincalihuanitilhayán tu nitlán tlahuanitahu. ²⁶Sampi huixín huanti

lipahuanitit Cristo Jesús xlicana pi xlipacs chuná la judíos, chu la ni judíos, xcaman Dios litaxtuyátit. ²⁷Sampi xlipacs huixín acxni takmununitántit xtachuná pala acxtum tahuanitántit Cristo c-xlatámat, chu xtachuná litapalhítit hua lantla xlá kalhiy xlakasi. ²⁸Dios nialh huá cuintaj tlahuay pala tí judíos, usu ti ni judíos, pala tastán c-tascújut, usu calakuán lama, pala chixcú, usu puscat; sampi lapi xlipacs tahuanitántit Cristo Jesús entonces chatumá litaxtuyátit. ²⁹Huá chú cumu xlicana huá tapaksiniyátit, na xlicana pi huixín xtachuná xaxlicana xquilhtzucut Abraham caj xpalacata lhkamayátit c-xtacanajla, chu pacs calakchanán namakamaklhtinanátit huantu Dios malacnunit namaxquikoy huanti xquilhtzucut.

4 Hua yumá huantu luhua ccahuaniputunán pi xapulana quin, xtachuná xlitaxtuyahu lantla chatum actzu kahuaa huanti limaxkan tamakxtaka, chu makxtaknicán xherencia huantu namapaksiy, chu masqui xlicana pi luhua huá mapaksiy fuerza tlan litaxtuy xtachuná la chatum caj tasacua sampi ni lay lactlahuay yama tumín huantu makxtaknicanit, ²sampi huilakó huanti xtlat putzakonit laquimpi namaktakalhkey, chu namakastackoy hasta acxni nalakchán quilhtamacú lantla namacamaxquikocán huantu mapaksiy chuná lantla lilacalhcahuilinit xtlat. ³Pus na chuná chú quin xquinaquitaxtuniyán xapulana acxni ni xamín Jesús, sampi xlamahu xtachuná lantla lactzu camán huanti ni naj catziyahu huantu xtalulóktat, chu catzhuá huantu tachixcuhiútat xli smanikonit xtlahuakoy laquimpi nalakmaxtukoy xlistacnacán, na chuná xquinaquitaankoyán xtachuná chatum xatastán. ⁴Huampi acxni takátzilh quilhtamacú

lantla Dios xlaclhcahuilini
 pi naquincalakmaxtuyán, xlá
 macámilh catuxáhuat xCam huanti
 machixcuhuflilh chatum puscát
 antá c-xtiyatcan judíos huanti lihuana
 xmakantaxtikoy huantu limapaksinán
 xlimapaksin Moisés. ⁵ Huá xlimapaksin
 Moisés huantu xtzaksama hu
 lihuana namakantaxtiyah, xtachuná
 lampala xatachín xquincalemán,
 huampi Cristo huá limilh catuxáhuat
 laquimpi tlan naquincalakmaxtuyán
 c-xtachin limapaksin, chu chuná
 naquincalimaklhtinán xtachuná
 lantla xallicana xcamán. ⁶ Chanchu
 laquimpi lihuana namakcatziyah pi
 luhua mana xcamanquin litaxtunitahu,
 xlá hasta quincamacaminín cspiritu
 Xcam Jesucristo c-quinacucán,
 chu yuma cspiritu Jesucristo
 quincamaakpuhuanitiniyan
 nahuanياهو Dios: "iHuix
 Quintlaticán!" ⁷ Huá xpalacata
 ccalihuaniyan, huá chú huixín nialh
 mililatamacán la xtachin yama
 xamakan limapaksin laquimpi fuerza
 namakantaxtiyátit, huampi litanuyatittá
 xtachuná lantla xcamán Dios, chu
 cumu xlicana pi huixín xcamán,
 milicatzitcán pi nachán quilhtamacú
 acxni pacs huantu Dios kalhiy, na
 huixín natakalhiyátit.

**Pablo ni lacasquín pi huanti aya
 lipahuankonit Jesús nalitaxtupalay
 lantla xtachin xlimapaksin Moisés**

⁸ Huixín huanti ni judíos, xapulana
 acxni ni xalakapasátit Dios, caj
 luhua xman huá xmakantaxtiyátit
 nalakachixcuhuixiátit yamá huantu
 huixín xlimaxtuyátit xtachuná
 lantla midioscán masqui xlicana pi
 nitú xlakasicán. ⁹ Huampi huá chú
 pi lakapasnitántit Dios, usu tlan
 nahuanahu pi huá Dios camaxquinitán
 talacapastacni laquimpi tlan
 nalakapasátit, clántla chinchu

xpalacata amaktum maxquipayátit
 quilhtamacú namakatlaJayán
 xtalacapastacnican chixcuhuín huantu
 calilayán xtachuná lantla xtachín
 laquimpi lihuana natzaksayátit
 namakantaxtiyátit? ¹⁰ Chuná
 ccahuaniyan sampi huixín na aya
 tzucuyátit macastalakoyátit yama
 judíos lantla xlacán ankalhín catuhua
 mapascuajnikoy, usu lihuilikoy aktum
 tlanca quilhtamacú chuná pala
 aktum papá, usu aktum catá acxni
 pacs cacinanikoy Dios laquimpi
 xlá tlak tlan nalakalhamankoy.
¹¹ Ccamacpuhuaniyan huá luloko
 pala ni caj huá páxcat nahuán yama
 quintascújut huantu climakapalanit
 c-milakstipancán.

¹² Natalanín, ccasquiniyan litlan pi
 nialh xtachín yama xlimapaksin Moisés
 calilatapátit xtachuná lantla quit maktum
 quilhtamacú xalilama acxni xactzaksama
 lihuana xamakantaxtiputún;
 huampi klaktaxtunit, chu na
 clacasquín pi calaktaxtútit huixín
 yumá huantu xtachuná la xtachín
 calikalhiyan. Masqui xlicana pi
 chuná cquilhama, ni huá xpalacata
 pala huixín quintlahuaninitántit
 huantu nitlan, huampi chuná cuan
 sampi ccatziy pi quimpaxquítit, chu
 niucxnicú quilakmakántit. ¹³ Pus
 catziyátit pi caj xpalacata pulactum
 tajátat huantu quinchípalh, huá fuerza
 clitamakáxtakli c-mincachiquincán,
 chu quit na huacu yama quilhtamacú
 pulh ccalitakalhchihuínán xtachihuín
 Cristo huantu mastay laktáxtut.
¹⁴ Chu yama quintajátat huantu quit
 xacpatinama, chuná huixín caliuexilhni
 Dios c-milatamacán lapi xlicana
 lakalhamaninanátit; huampi huixín
 ni caj quilakmakántit huampi lipaxuhu
 quimakamaklhtinántit xtachuná lantla
 chatum ángel, usu ilampala huatiyá
 Cristo Jesús makamaklhtinántit
 lantla quintalátit! ¹⁵ Huampi cni

chú alh chú yamā tapáxquit huantu
xquinkalhīniyátit? ¿Nī chú alh yama
mintapaxuhuancán huantu xkalhiyátit?
Sampī quit luhua xtalulótkat tū cuan,
pī lapī tlan cahuá caj quimpalacata
huixín hasta xtitamastátit laquimpī
xcamāxtunicántit milakastapucán lapī
chuná tlan xactilpacsli yamā quintajátat
huantu xacpatīma c-quilakastapu.

¹⁶Huampī huá chú māx luhua snūn
ccamakasitizinitán caj xpalacata cumu
ccalītakalhchihuínán huantu xtaluloktat
Dios.

¹⁷Tamā chixcuhuín huanti
camalakaspityahuamán xlicana pī huá
chú luhua snūn calakalhamanán sampī
puhuankoy pī chuná naquilakmakanátit,
chū huata huá luhua nalipahuankoyátit,
chū tlan namaktayalipinkoyátit.

¹⁸Xlicana pī c-quilatamatcán luhua
tamaclacasquín pī naaklihuankoyahu
nalakalhamankoyahu amakapitzin
chixcuhuín, huampī huantu akstítum, chū
xliankalhín nalakalhamankoyahu, nī caj
acxnī quit lacxtum ccatalamachán lantla
tlahuakoy yamā aksaninanin chixcuhuín.

¹⁹Koxutanín huixín quilakstatán,
xlicana quit luhua snūn cpatīma
taczatanájuat caj mimpalacatacán,
xtachuná lantla catzanajuanán chatum
puscat acxnī namalakatuncuhuínán;
chū quit ankalhín chuná cpatīmaj
nahuán hasta acxnī Cristo luhua xlicana
malanama nahuán c-milatamatcán,
chū lihuana makantaxtipátit
nahuán huantu lacasquín. ²⁰Hasta
ucu xactayachá c-milakstipancán
cpuhuán, laquimpī atzinú luhua
tancs xaccalītakalhchihuínán, huampī
cumu luhua mákat, nī ccatziy lantla
luhua tataksátit laquimpī tancs
naccalīstacyahuayán.

Xamakan Abraham xkalhikoy chatuy xlacchaján

²¹Xlipacs huixín huanti lihuana
makantaxtiputunátit xlimapaksín

Moisés laquimpī nalakmāxtuyátit
milīstacnacán, ça poco
nī alīkalhtahuakayátit huantu
tatzoktahuilanit c-libro antanī tataksa
limapaksín? ²²Sampī antá yama
c-Līkalhtahuaka nā lichihuínán lantla
xamakan quinquilhtzucutcan Abraham
xkalhikoy chatuy xlakkuhuasán:
chatum xkahuasa huá takálhīlh
yamā puscat huanti xmascujucán
c-chiqui xtachuná lantla tachín
sampī caj cstacanit, chū chatum litum
xkahuasa, huá xlá xtzi huanti luhua
xpuscat Abraham, chū nī caj xtasacua.

²³Agar xuanicán yamā caj xatastan
squitihiuiná, xlá kálhīlh chatum
cskata huanti malakatuncúhuilh
sampī xakátlihl Abraham, chū
tatalakxtúmīlh, huampī yamā Sara
huantu luhua xpuscat Abraham
timachixcuhuīlīlh chatum xkahuasa
sampī huá Dios xmalacnūnīnit pī
nakalhikoy chatum xkahuasacán.

²⁴Xlipacs yumá huantu chuná lanit,
huí tū quincalimasiyuniputunán
Dios, sampī yumá chatuy lacchaján
litaxtukoy xtachuná lantla pulactuy
talaccaxlán: pulactum huá litaxtukoy
yamā talaccaxlán huantu mastaca
c-kastín antanī huanicán Sinaí
huamputún pī huá Agar, xlipacs
huanti antá maktapaksikoy yumá
c-talaccaxlán tlan tamalacastuca
xtachuná lantla xcaman yamā
xatastan puscat huanti nā xatachín
lacachinkoy xtachuná lantla xtzcán.

²⁵Xlicana pī Agar litaxtukoy yamā kastín
huanicán Sinaí c-Arabia, chū tlan
tamalacastuckoyahu xtachuná lantla
tī huá chú maktapaksikoy c-Jerusalén
sampī xlacán litamakaxtakoy xtachín
catlahuakolh yamā limapaksín huantu
mastaca c-Sinaí. ²⁶Chinchū Sara
huanti luhua xpuscat Abraham, huanti
nitī mascujuy xtachuná lantla xtachín,
huá tlan tamalacastucahu yamā tanu
xasasti Jerusalén xala c-akapún, chū

quin huantí antá maktapaksiyahu
lītaxtuyahu xtachuná lantla xcamán
sámpí caj quintapaxuhucán
tlahuayahu xtalacasquin Dios, chū
nī xtachuná lantla xtachín. ²⁷Sámpí
c-xtachihuīn Dios lacatum chuná huan:

“Capaxuhua huix puscāt huantí
niucxnicú kalhīnīta mincamán;
hasta cacatasa caj lantla
mintapaxuhuan huix huantí nī
amakcatziya yama tacatzanájuat
lantla namalakatuncuhuiya
miskata.

Sámpí yama puscāt huantí aya
xlakmakancanīt caj xpalacata pī
nī lay xkalhiy xcamán, huata
atzinú lhūhua nakalhiy xcamán,
nī xahuá huantí xtatalakxtumīnīt
xchixcú.”

²⁸Natalanín, quit clacasquín
necatziyátit pī quin pacs
xlakskatan sámpí Dios
chuná quincamalacnūnīnītán
naquincatlahuayán xtachuná lantla
timalacnūnīlh xamakan quilhtamacú
Abraham, pī nakalhiy chatum xkahuasa
xuanicán Isaac. ²⁹Nā xtachuná lantla
yama xamakan quilhtamacú yama
kahuasa huantí xlacachinīt sámpí hua
Abraham, chū Agar xtalakxtumīkonīt,
nī xucxilhputún yama kahuasa huantí
xlacachinīt caj xpalacata cumu cspiritu
Dios makantáxtīlh c-xlatamat Sara
huantu xmalacnūnīt, lantla chú nā
chuná quin quincāquitaxtunīmán.

³⁰Huampi ǎlá huánīlh Dios Abraham?
Pus c-Likalhtahuakā tatzoktahuīlanīt
pī chuná huánīlh: “Catlakaxtu tama
mintasacua puscāt huanicán Agar
chū xkahuasa c-mínchic, sámpí nī
minīniy xkahuasa natamaklhtīnán
huantu huix namakaxtakniya xkahuasa
huantí luhua mimpuscāt Sara, huantí
nī caj mintasacua.” ³¹Natalanín, huá
xpalacata ccalihuanīyán pī quin nī
lītaxtuyahu xtachuná lantla xcamán
yama puscāt huantí tasacua xuanīt

huampi huá lītaxtuyahu xtachuná lantla
xcamán yama huantí nī tasacua puscāt.

**Cristo quincalakmāxtún
c-xlītlīhuaka yama huantu xtachuná
lantla xtachín xquincakalhiyán**

5 Xlicana pī Cristo
quincalakmāxtún laquīmpī
yama xlimapaksīn Moisés nīalh
naquincalīlayán xtachuná lantla
xtachín pī fuerza namakantaxtiyahu
xlipacs lactzū lactzú huantu
limapaksīnán. Huá xpalacata
ccalihuanīyán pī tlihuaklh calatapátit,
chunatiyá calīpahuantīt Cristo, chū
nīalh tú xtachín catīcatlahuán atanuj
xatascujtlahuan limapaksīn.

²Cakaxpátit, chū caakatáktit huantu
naccāhuanīyán, pī lapī tī lantla huixín
huantí aya lipahuanītántit Cristo,
xamaktum chú napuhuan pī luhua
xlacasquinā nā nacircuncidarlay
laquīmpī tlan nalaktaxtuy, xlicana
quitaxtuy pī nī lama pala tú
catilīmaktáyalh masqui calīpahua
Cristo. ³Quit ccāhuaniputumpalayán
pī xlipacs, usu caxatīcahua chixcú
huantí lacasquín circuncidat
catlahuacā caj cumu chuná huan
xlimapaksīn Moisés pī xlītláhuat
lapī malaktaxtiputún xlistacna, pus
nā lacatanacs cacátzīlh pī pala chuná
luhua tlahuaputún nā luhua xafuerza
lihuana xlimakantáxtīt nahuán
xlipacs atīpatu huantu limapaksīnán
antá pī xlītláhuat. ⁴Xlipacs huixín
huantí tzaksayátit lītaxtuyátit
xtachuná pala nīalh tú nalaclenátit
c-xlacatīn Dios caj xpalacata pacs
lihuana namakantaxtiyátit huantu
huan c-xlimapaksīn Moisés, xlicana pī
talakamakatlīnīpátit Cristo, chū lantla
caj lītlan calakalhamamputunán Dios.
⁵Huampi quin nī chuná canajlayahu,
sámpí cspiritu Dios quincamaktayayán
akstītum nacanajlayahu huantu
Dios quincamalacnūnīyán pī

naquincalimáxtuyán xtachuná lampala nialh tú laclenahu caj xpalacata cumu lipahuanahu. ⁶Sampi lapí quin xlicana huá tahuani tahu Cristo c-quilatamatcán, nítú xlakasi lapí circuncidar lanitahu, usuchí nítú circuncidar lanitahu, caj xman huá kalhiy xlakasi nalipahuanahu, chu yuma quintacanajlacán akstítum nalilatamayahu c-quintapaxquitcán.

⁷Xlicana pí aya akstítumá huixín xlapátit, ítí cahuanín, chu calactlahuayahuan pí nialh calipahuántit xtaluloktat Dios? ⁸Xlicana pí ní huá Dios calactlahuayahuan, sampi xlá luhua man calacsacnitán laquimpí nalipahuanátit Cristo. ⁹Cumu lantla huixín catziyátit pí masqui caj actzu levadura maxcutikoy xlipacs huantu lakmunucanít harina, pus luhua cuíntaj catlahuátit nítú pacs tilacalayayátit.

¹⁰Huampi quit tancs ccatziy pí Quimpuchinacán nacamaktayayán pí ní caj lihuacá nalilacalayayátit huantu ccahuanimán, chu huá Dios catziy lantla namapatiniy yamá huanti casokaliyán cacatícahuaj xtihua.

¹¹Natalanín, lapí quit xactzúculh liakchiuinán pí xlipacs huanti lipahuan Cristo circuncidar calakolh, yamá judíos nialh xquisitzinikolh, chu nialh calahuá huantu xquiliyahukolh. Sampi lantla Cristo ninít c-cruz, nialh xliakluhuatnankolh masqui calipahuankolh lapí na acxtum circuncidar xlakolh, sampi xlacán puhuankoy pí chuná talacasquín natlahuayahu laquimpí tlan nalaktaxtuyahu. ¹²Huampi xlipacs tamá huanti maakluhuatnimán nacachucunicanátit actzú c-mintiyatlihuacán mininikoy pí maktum xacstu xchucuactikoca xlipuaktuminica laquimpí xlicatzikolh.

¹³Dios calacsacnitán huixín natalanín laquimpí nacalakmaxtuyán c-xlacatín huantu xcalilamán

xtachuná lantla xtachín, huampi xlá ní huá chuná calitlahuán caj laquimpí huá chú aklakuá nalatapayátit, usu natlahuayátit catuhua huantu huixín napuhuanátit, huata huá calilacsacnitán laquimpí chú acxtum nalapaxquiyátit, chu nalamaktayayátit. ¹⁴Sampi xlipacs huantu huan c-xlimapaksín caj xman huá yuma kamputum litaxtuy: “Calakalhamankó amakapitzín xtachuná lantlata acstulakalhamancana.” ¹⁵Cana huixín, luhua cuíntaj catlahuátit lantla nalatapayátit, sampi lapí caj xman nalamakasitzitahuilayátit, chu nalalacaxcatahuilayátit, ní makas quilhtamacú miacstucán nalalactlahuayátit.

Akstítum calatamahu chuná lantla quincamapuhuaníyán Espíritu Santo

¹⁶Huá xpalacata, quit ccalihuaniyán, akstítum calatapátit chuná lantla camapuhuaníyán Espíritu Santo, chu ní huá cakalhakaxpátit huantu camatlahuiputunán xalixcainit mintayacán tú xapulana xkalhiyátit. ¹⁷Sampi yamá xalixcainit quintayacán huantu xkalhiyahu, ní catimatlanilh huantu quincamatlahuian Espíritu Santo, chu na chuná Espíritu Santo ní matlaníy huantu quincamatlahuian xamakan xalixcainit quintayacán; huá xpalacata, huixín lakachunín ní lihuana catziyátit xatú luhua namakantaxtiyátit, sampi acxtum quincamapaksiputunkoyán lantla lakaputuy latámat. ¹⁸Na chuná lapí huá Espíritu Santo capulalemán, ní lay pala tú xtachín caticatlahuán, ní pala yamá xlimapaksín Moisés, na ní pala yamá xalixcainit mintayacán huantu xapulana xkalhiyahu.

¹⁹Na luhua c-stújtat tasiyuy huanti kalhakaxmatmakó huantu malacnunikoy xalixcainit xtayacán: chuná pala naxakatlikoy atanuj puscá

masqui huilakó xpuscacán, catuahuá huantu limapaxuhukoy xmacnicán, chu lhuahuá huantu tamaxcajualín tlahuakoy huantu nalilakxtapukoy putáhuilh, ²⁰chu talakataquilhpután tu caj xatatlahuamakxtu, lascuahuakoy; xcátzit quiclhcatzanikoy catihuá, nī laucxilhputunkoy; catuahuá lalimakasitziy, lalacataquikoy, chu mapapitzikoy natalanín, lakaputiyu lakoy.

²¹Catuahuá lakcatzalacaniy huantu kalhikoy amakapitzín, tlanca xakotnín, chu lhuahuá huantu lixcájnīt tlahuakoy. Quit aya makhuhuatá chuná ccalitakalhchihiuinanītán pī xlipacs huanti chuná makantaxtīma nā yumā lixcájnīt latámat, tancs cacátzilh pī niucxnī catilipaxuhukolh yamā lipaxuhu latámat huantu kalhikoy tī matlanikoy pī Dios namalanán c-xlatámat. ²²Huāmpi huantu limascujunán Espiritu Santo, xlá namaxquiyán tapáxquit, tapaxuhuan, tatancsni, tapaxuhuanalén lantla nī lacapalā nasitziya pala tú nahuanicana, tlan mintapuhuan, chu tlan talacapastacnī lantla tancs namakantaxtīya huantu litayaya; ²³xlá namaktayayán lantla tasmalhuán nahuana, nī nalacataquinana, chu xatalhcán nalipinā milatámat. Xlipacs yumā tlan talacapastacnī huantu namaxquiyán Espiritu Santo nītú limapaksín huantu nalihuán pī nītlān tatlahu. ²⁴Chu xlipacs yamā huanti aya tahuankonīt Cristo c-xlatamatcán quitaxtuy pī aya xtachuná la tatapakaxtokotahuacakonīt, chu chuná makatlajakonīt yamā xamāxan lixcájnīt xtayatcán huantu xmatlahukoy caxatūcahuā talakalhín. ²⁵Cumu huá chú tlan lamahu, huá chuná līlay sampi huā Espiritu Santo quincapulalemán, pus camaxquihu quilhtamacū pī huā tamā Espiritu Santo ankalhīnā caquincamaktayán.

²⁶Nī caj calatlancacatzinīhu, nī pala caputzahu lantla natahuilay takslokón, usu nalakcatzanikoyahu huantu kalhikoy amakapitzín c-quilakstipanc án.

Xlipacs huanti lipahuanhu Cristo ankalhín calamaktayalehu

6 Natalanín, lapī xamaktum nacatziyátit pī huī chatum huanti litamákuasli aktum talakalhín, chu cumu huixín huá tlahuapátit huantu calimapaksiyán Espiritu Santo, pus camaktayátit laquimpi natatancspalay c-xlatámat. Huāmpi acxnī pala tī namaktayayátit huantu catapaxuhuan camaktayátit, chu caucxilhlacachipítit sampi nā catuxáhuat lapátit nī huá pala xamaktum nā nalitamakuasátit aktum talakalhín, chu nalaclatayayátit c-mintacanajlacán. ²Acxtum calamaktayalipítit pala tú calakchinán talakapútzit, pala chuná natlahuayátit entonces tancs makantaxtipátit nahuán huantu limapaksinanīt Cristo. ³Huāmpi pala tī acstupuhuanicán pī tlanca xlakasī kalhīy, nā nītu xlakasi, tamā nī lay maktayakoy amakapitzín, sampi caj acstutākskahuitamāyā. ⁴Chuná pī chatunū mān līhuana caúcxilhī lapī tlan, usu nītlān huantu mān tlahuamā, chu nī catamalacástuclī huantu tlahuamakō amakapitzín. Lapī naucxilhā pī tlan huantu tlahuamā, xacstu mān catziy lapī tlan nalipaxuhuy xtascújut. ⁵Sampi chatunū chatunū lemahu yumā xtachuná tacuca xpalacata quintaktzankancán, chu quintalakaputzitcán sampi nī naj xaakstītum xaachhān quin.

⁶Lapī huixín huī chatum c-milakstipancán huanti calitakalhchihiuinanán xtachihuīn Dios, xlicānā pī tamā luhua minīniy namaxquiyátit huantu namaclacasquintīlhay.

⁷Lapi huí chatum tì puhuán pì tlan nalikamanán Dios c-xlatámat, chu nì naxokónán, nialh catakskahuitámalh sampi milicatzitcán pì huantu chatunū chantilhamā c-xlatámat, pacs naquimakalay alístalh. ⁸Yamá huanti caj xman huá tlahuama huantu limakapaxuhuay xlatámat xtachuná quitaxtuy lantla chamachá huantu nítlan lichánat, chu xlipacs huantu namakalay xlicana pì caj naliaktzankatayay; huampi huanti tlahuay huantu mapuhuaníy Espíritu Santo, xtachuná lantla chamachá huantu tlan lichánat, chu huantu namakalay caxanilihuayá namaxquiy yama lipaxuhu latámat huantu nì laksputa. ⁹Pus niucxnicú calitlakuahū xpalacata natlahuayahū huantu tlan, chu akstítum tascújut, huá lapì niucxnicú nataxlajuaniyahū chuná nalatamayahu, namín quilhtamacú acxni naucxilhahu huantu aya liscujnitahu nahuán. ¹⁰Pus hasta lantlachá caxatucahuā quilhtamacú, ankahlín huantu tlan catlahuanikótit caxaticahuá, huampi xalihucá yamá huanti nā acxtum quincatalipahuanán Cristo.

Pablo xaahuatá lihuaniqoy pì nì nacañajlanikoy huanti fuerza tlahuanikoy pì circuncidar calakolh

¹¹¡Chú caucxílhiti lantla xlitlanca quiletra huantu man ccamacanítzoknimán laquimpi naccahuaniyán aktum tachihuín! ¹²Tamá huanti calitakalhchihuínamán pì luhua xlasasquinca pì circuncidar nalayátit, xlacán chuná tlahuamakó laquimpi nì nalísitzinikocán, usu naliputzastalanikocán xlipacs huanti canajlakoy pì xman huá yama Jesús huanti makníca c-cruz mastay laktáxtut. ¹³Huampi caj caucxílhiti

pì lantla xlipacs yamá huanti lilacpacxkoy pì circuncidar lakonit, nì pala chatum huanti xlicana lihuana makantaxtima c-xlatamat xlipacs huantu limapaksinán xlimapaksin Moisés. Huampi masqui xlacán stalanca catzíkoy pì chuná, huata luhua fuerza lacasquinkoy pì huixín circuncidar calátit, laquimpi nalilacataquinankoy acxni huankoy pì camaakataksnín huantu masiyumakó. ¹⁴Huampi huantu quit quimpalacata, nì pala pulactum atanū huantu clipaxuhuay, usu huantu xacclipacxca huampi caj xman huá yama Cristo huanti quimpalacánilh c-cruz, sampi caj xpalacata cumu clipahuán, yuma catuxáhuat climaxtuy xtachuná lampala nínit huantu quimpalacata, chu nā chuná yama catuxáhuat quit clitaxtuy pì aya cníninít. ¹⁵Huá xpalacata ccalihuaniyán pì nítū xlakasi mimpalacata pala circuncidarlanita, usu nì circuncidarlanita, huata caj xman huá kalhiy xlakasi c-milatámat namaluloka pì xlicana Dios masastinít milatámat. ¹⁶Clacasquín pì Dios cacamaxquín tlanca tapaxuhuán, chu snūn cacalakalhamán, xlipacs huixín huanti masiyuyátit c-milatamatcán pì chuná akstítum lapátit, xahuā xlipacs yama canihua xalanín huanti lacsackonit laquimpi nā xlakskatán nalimaxtukoy xtachuná lantla huixín.

¹⁷Ahuatiyá ccahuaniputunán pì nialh clacasquín pala tì naquimputzanipalay huantu naclitāsitziniy. Chuná ccalihuaniyán sampi xlipacs yuma xamacxtutuhua quimacni huantu lhuuatá clipatínit huantu quintlahuanicanitá, stalanca litasiyuy pì xlicana quit xlacscujni Jesús.

¹⁸Natalanín, clacasquín pì Quimpuchinacan Jesucristo snūn cacasiculanatlahuán xlipacs huixín. Chuna calalh, amén.